

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Z A K L J U Ć A K

o odbacivanju Prijave koncentracije privrednog subjekta „B&C KB Holding GmbH“ društvo sa ograničenom odgovornošću, Universitätsring 14, 1010 Beč, Republika Austrija

**Sarajevo,
Septembar 2021. godine**



Broj: UP-01-26-1-021-11/21
Sarajevo, 15.09.2021. godine

Konkurencijsko vijeće Bosne i Hercegovine je, na osnovu člana 25. stav (1) i člana 42. stav (2), a u vezi sa članom 14. stav (1) Zakona o konkurenciji („Službeni glasnik BiH“, br. 48/05, 76/07 i 80/09), rješavajući po Prijavi koncentracije privrednog subjekta „B&C KB Holding GmbH“ društvo sa ograničenom odgovornošću, Universitätsring 14, 1010 Beč, Republika Austrija, podnesenoj putem punomoćnika advokata Ezmane Turković i Džane Smailagić-Hromić iz Advokatskog društva Marić&CO d.o.o. Sarajevo, Mehmeda Spahe 26, 71000 Sarajevo, Bosna i Hercegovina, zaprimljenoj dana 01.06.2021. godine pod brojem: UP-01-26-1-021-1/21, na 92. (devedesetdrugoj) sjednici održanoj dana 15.09.2021. godine, donijelo

ZAKLJUČAK

1. Odbacuje se Prijava koncentracije privrednog subjekta „B&C KB Holding GmbH“ društvo sa ograničenom odgovornošću, Universitätsring 14, 1010 Beč, Republika Austrija, radi nepostojanja obaveze prijave koncentracije, u smislu člana 14. stav (1) Zakona o konkurenciji.
2. Obvezuje se privredni subjekat „B&C KB Holding GmbH“ društvo sa ograničenom odgovornošću, Universitätsring 14, 1010 Beč, Republika Austrija, da uplati administrativnu taksu u ukupnom iznosu od 1.000,00 KM (hiljadu konvertibilnih maraka) u korist Budžeta institucija Bosne i Hercegovine.
3. Ovaj Zaključak bit će objavljen u "Službenom glasniku BiH", službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, dana 01.06.2021. godine pod brojem: UP-01-26-1-021-1/21, Prijavu koncentracije (u daljem tekstu: Prijava) privrednog subjekta „B&C KB Holding GmbH“ društvo sa ograničenom odgovornošću, Universitätsring 14, 1010 Beč, Republika Austrija (u daljem tekstu: Podnosilac prijave), podnesenu putem punomoćnika, advokata Ezmane Turković i Džane Smailagić-Hromić iz Advokatskog društva Marić&CO d.o.o. Sarajevo, Mehmeda Spahe 26, 71000 Sarajevo, Bosna i Hercegovina, u kojoj se navodi da Podnosilac prijave namjerava steći pojedinačnu kontrolu nad privrednim subjektom „Atlas Flexibles GmbH“ d.o.o Römerstraße 12, 87437 Kempten, Savezna Republika Njemačka (Atlas Flexibles d.o.o. ili Ciljno društvo), sticanjem 80% udjela u Ciljnom društvu, u smislu člana 12. stav (1) tačke b) (1) i (2) Zakona o konkurenciji (u daljem tekstu: Zakon).

Konkurencijsko vijeće je od Podnosioca prijave zaprimilo podneseke kojima se vrši dopuna podnesene Prijave, i to: podnesak broj: UP-06-26-1-021-2/21 od dana 14.06.2021 godine, podnesak broj: UP-06-26-1-021-3/21 od dana 16.06.2021. godine, podnesak broj: UP-06-26-1-021-4/21 od dana 01.08.2021. godine. Nakon uvida u Prijavu, utvrđeno je da ista nije potpuna, te je Podnosiocu prijave, aktom broj: UP-06-26-1-021-5/21 od dana 08.07.2021. godine, upućen zahtjev za dopunom u smislu dostavljanja relevantnih podataka i dokumenata, u skladu sa Odlukom o načinu podnošenja prijave i kriterija za ocijenu koncentracije privrednih subjekata (Službeni glasnik BiH br. 34/10) (u daljem tekstu: Odluka)

Podnosilac prijave je, podneskom zaprimljenim pod brojem: UP-06-26-1-021-6/21 dana 21.07.2021. godine, podneskom zaprimljenim pod brojem: UP-06-26-1-021-7/21 dana 23.07.2021. godine i

podneskom zaprimljenim pod brojem: UP-06-26-1-021-8/21 dana 11.08.2021. godine, dostavio tražene podatke.

Prijava namjere koncentracije je podnesena u zakonom propisanom roku, u smislu člana 16. stav (1) Zakona.

Konkurencijsko vijeće je u smislu člana 30. stav (3) Zakona, izdalo Potvrdu o kompletnoj i urednoj prijavi broj: UP-01-26-1-021- 9/21 dana 14.09.2021. godine.

Podnosilac prijave je naveo da je Prijava za ocjenu dopuštenosti koncentracije podnesena i nadležnim tijelima za konkurenciju u Evropskoj komisiji, Rusiji i Ukrajina.

1. Učesnici predmetne koncentracije

Učesnici koncentracije su privredni subjekti „B&C KB Holding GmbH“ društvo sa ograničenom odgovornošću, Universitätsring 14, 1010 Beč, Republika Austrija, kao kupac, privredni subjekti Atlas Flexibles Coöperatief U.A, Strawinskyalaan 1033, Toren C-10, Amsterdam, Nizozemska i Lindsay Goldberg Europe GmbH, Breite Strasse 67-69, 40213 Düsseldorf, Njemačka, kao prodavci i privredni subjekt „Atlas Flexibles GmbH“ d.o.o Römerstraße 12, 87437 Kempten, Savezna Republika Njemačka, kao Ciljno društvo.

1.1. Privredni subjekt „B&C KB Holding GmbH“ društvo sa ograničenom odgovornošću, Universitätsring 14, 1010 Beč, Republika Austrija

Privredni subjekt „B&C KB Holding GmbH“ društvo sa ograničenom odgovornošću, Universitätsring 14, 1010 Beč, Republika Austrija, registrovano od brojem FN 470503t (u daljem tekstu: B&C KB Holding) u Trgovačkom registru Republike Austrije i nalazi se u 100% vlasništvu društva B&C Holding Österreich GmbH.

Društvo B&C Holding Österreich GmbH, kao 100% vlasnik privrednog subjekta B&C KB Holding, je društvo sa ograničenom odgovornošću osnovano prema austrijskim zakonima, sa sjedištem u Universitätsring 14, 1010 Beč, registrovano pod brojem FN 461491p u Trgovačkom registru Republike Austrije, te predstavlja krajnje društvo Grupe B&C Holding (privatne fondacije).

Kao holding društvo, B&C Holding ne obavlja nikakve poslovne operacije – njegova jedina svrha je držanje udjela (100%) u privrednom subjektu B&C KB Holding i, indirektno, u drugim društvima u Grupi podnosioca i njenim portfolio kompanijama.

B&C Holding ne ostvaruje nikakav operativni prihod s obzirom na činjenicu da je holding društvo.

B&C Holding je dalje u potpunom vlasništvu B&C Fondacije, privatne fondacije koja nema članove ili korporaciju ili fizičko lice pod čijom je kontrolom. Svrha B&C fondacije je podsticanje poduzetništva u Austriji.

Osim ovih subjekata, Grupa podnosioca se sastoji od dodatnih B&C društava koje imaju isto sjedište i registrovanu adresu kao i B&C Holding i koje obavljaju aktivnosti podholding društava, trgovačkih i uslužnih društava ili društava čija je svrha držanje nekretnina u Beču. Grupa podnosioca ima tri potpuno konsolidovane portfolio kompanije (povezana društva), koja nemaju podružnice u Bosni i Hercegovini - AMAG Austria Metall AG, Lenzing AG i Semperit AG Holding, a udjeli u ove tri kompanije su u direktnom vlasništvu privrednog subjekta B&C KB Holding.

1.1.1. Privredni subjekt AMAG Austria Metall AG, Lamprechtshausener Straße 61, P.O.Box 3, 5282 Braunau-Ranshofen, Republika Austrija

Privredni subjekt AMAG Austria Metall AG, Lamprechtshausener Straße 61, P.O.Box 3, 5282 Braunau-Ranshofen, Republika Austrija, registrovan je pod brojem FN 310593 f, je matična kompanija društva unutar AMAG grupe. AMAG grupa je globalni proizvođač primarnog aluminijuma i visokokvalitetnih proizvoda od lijevanog i valjanog aluminijuma koji se koriste u širokom spektru industrija, kao što su vazduhoplovstvo, automobilska industrija, sportska roba, rasvjeta, mašinstvo, građevinarstvo i industrija ambalaže. Svoje proizvode od aluminijuma prodaje u manjem obimu i na teritoriji Bosne i Hercegovine

Dionice društva AMAG Austria Metall AG su listirane na Bečkoj berzi i njegov glavni dioničar je Grupa Podnosioca – B&C Grupa, koja direktno i indirektno drži 52,7% dionica u osnovnom kapitalu društva, što ga čini portfolio kompanijom, odnosno povezanim društvom Grupe Podnosioca.

AMAG grupa se sastoji od podružnica društva AMAG AG koje su osnovane i koje posluju širom svijeta. AMAG Austria Metall AG nema registrovanu podružnicu u Bosni i Hercegovini.

(..)*¹.

1.1.2. Privredni subjekt Lenzing AG, Werkstraße 2, 4860 Lenzing, Republika Austrija

Privredni subjekt Lenzing AG, Werkstraße 2, 4860 Lenzing, Republika Austrija, registrovano pod brojem FN 96499k, matična je kompanija unutra Lenzing Grupe. Osnovna djelatnost Lenzing Grupe je proizvodnja i marketing botaničkih celuloznih vlakana, uz proizvodnju i prodaju viskoznih vlakana na bazi drveta, modalnih vlakana, liocelnih vlakana i pređe od filamenta koji se koriste u tekstilnoj industriji, uključujući i na teritoriji Bosne i Hercegovine.

Osnovni kapital privrednog subjekta Lenzing AG je na dan 31.12.2020. godine iznosio 27.574.071,43 eura i podijeljen je na 26.550.000 dionica. Dionice društva Lenzing AG su listirane na Bečkoj berzi i njegov glavni dioničar je Grupa Podnosioca – B&C Grupa, koja direktno i indirektno drži 50% (13.225.000 dionica) plus dvije dodatne dionice u osnovnom kapitalu društva Lenzing AG, što ga čini portfolio kompanijom društva Grupe Podnosioca.

Lenzing Grupa se sastoji od podružnica društva Lenzing AG koje su osnovane i koje posluju širom svijeta. Lenzing AG nema registrovanu podružnicu u Bosni i Hercegovini.

Brendovi privrednog subjekta Lenzing AG su Tencel[®], EcoVero[®], Veocel[®] i Lenzing[®].

(..)*.

1.1.3. Privredni subjekt Semperit AG Holding, Modecenterstraße 22, 1031 Beč, Republika Austrija

Privredni subjekt Semperit AG Holding, Modecenterstraße 22, 1031 Beč, Republika Austrija, razvija, proizvodi i prodaje visokospecijalizirane proizvode od gume za industrijski i medicinski sektor: hidraulična i industrijska crijeva, transportne trake, rukohvate za pokretne stepenice, građevinske profile, prstenove žičara, proizvode za velike željezničke strukture te rukavice za pregled i hirurgiju.

Dionice društva Semperit AG Holding su listirane na Bečkoj berzi i njegov glavni dioničar je Grupa Podnosioca - B&C Grupa, koja direktno i indirektno drži 50% (plus dvije dodatne dionice u osnovnom kapitalu društva).

¹ (..)*- podatak predstavlja poslovnu tajnu

(..)*

1.1.4. „Atlas Flexibiles GmbH“ d.o.o Römerstraße 12, 87437 Kempten, Savezna Republika Njemačka (Ciljno Društvo)

Privredni subjekt „Atlas Flexibiles GmbH“ d.o.o Römerstraße 12, 87437 Kempten, Njemačka, je društvo sa ograničenom odgovornošću, osnovano prema njemačkim zakonima i upisano u trgovački registar zemaljskog suda u Dizeldorfu pod poslovnim brojem: HRB 77173. Privredni subjekt „Atlas Flexibiles GmbH“ holding je društvo Grupe Ciljnog društva – Schur Flexibles Group, tj. posjeduje sve udjele u Schur Flexibles GmbH.

Grupa Schur Flexibles Group aktivna je u proizvodnji i prodaji proizvoda fleksibilne ambalaže, teritoriji Evropske unije.

Grupa Schur Flexibles Group nema podružnice registrovane u Bosni i Hercegovini te nije aktivna, niti ostvaruje prihode u Bosni i Hercegovini.

Grupa Ciljnog društva je prije predmetne transakcije pod krajnjom kontrolom privatne investicione kompanije, privrednog subjekta Goldberg, Lindsay&Co.LLC“ d.o.o., koji drži udjele u Ciljnom društvu preko svojih kontroloranih društava „Lindsay Goldberg Europe GmbH“, Breite Strasse 67-69, 40213 Düsseldorf, Njemačka i „Atlas Flexibiles Coöperatief U.A.“, Strawinskylaan 1033, Toren C-10, Amsterdam, Nizozemska. (Prije transakcije (..)*).

1.2. „Lindsay Goldberg Europe GmbH“ d.o.o. Breite Strasse 67-69, 40213 Düsseldorf, Njemačka

Privredni subjekt Lindsay Goldberg Europe GmbH je društvo sa ograničenom odgovornošću, osnovano u skladu sa njemačkim zakonima, s sjedištem u Breite Strasse 67-69, 40213 Düsseldorf, Njemačka, registrovano po trgovačkom registru lokalnog suda Dizeldorf pod registarskim brojem HRB 50994.

1.3. „Atlas Flexibiles Coöperatief U.A.“ Strawinskylaan 1033, Toren C-10, 1077XX Amsterdam, Nizozemska

Privredni subjekt Atlas Flexibiles Coöperatief U.A je udruženje sa isključenom odgovornošću osnovano u skladu sa zakonima države Holandije, sa sjedištem u Strawinskylaan 1033, Toren C-10, Amsterdam, Nizozemska, registrovano pri Kamer von Koophandel pod registarskim brojem 66488338.

2. Pravni osnov i pravni oblik namjeravane koncentracije

Pravni osnov predmetne koncentracije predstavlja Ugovor o kupoprodaji (u daljem tekstu: Ugovor), zaključen dana 15.05.2021. godine između privrednih subjekata Atlas Flexibiles Coöperatief U.A, Strawinskylaan 1033, Toren C-10, Amsterdam, Nizozemska i Lindsay Goldberg Europe GmbH, Breite Strasse 67-69, 40213 Düsseldorf, Njemačka kao prenosioca udjela/prodavca i privrednog subjekta B&C KB Holding GmbH, Universitätsring 14, 1010 Beč, Republika Austrija, kao sticaoca, kojim se prodaje 80% udjela u privrednom subjektu Atlas Flexibiles GmbH d.o.o Römerstraße 12, 87437 Kempten, Njemačka.

Prije transakcije privredni subjekt (,)* u društvu Atlas Flexibiles GmbH, te je nakon transakcije predviđeno da vlasničku strukturu Ciljnog društva čine privredni subjekt B&C KB Holding GmbH, sa 80% udjela i pojedinačnom kontrolom na društvom, uz privredni subjekt (..)*.

Pravni oblik koncentracije je sticanje kontrole jednog privrednog subjekta nad dijelovima drugog privrednog subjekta, prema članu 12. stav (1) tačka b) Zakona o konkurenciji.

3. Relevantno tržište

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Na osnovu djelovanja učesnika koncentracije, relevantnim tržištem predmetne koncentracije u geografskom smislu je utvrđeno područje Bosne i Hercegovine.

Relevantno tržište u proizvodnom smislu je tržište za proizvodnju i prodaju fleksibilne ambalaže, s obzirom da je Ciljno društvo prvenstveno aktivno na tržištu u proizvodnji i prodaji proizvoda fleksibilne ambalaže.

Fleksibilna ambalaža uključuje konverziju i štampu plastičnih i celuloznih filmova, aluminijskih folija i papira, koji se koriste odvojeno ili u kombinaciji, za proizvodnju primarnih i sekundarnih proizvoda za široku paletu krajnjih upotreba.

Kao relevantno tržište u geografskom smislu, Podnosilac prijave smatra da se, prema praksi i odlukama Evropske komisije, geografsko tržište proizvoda fleksibilne ambalaže određuje na svjetskom ili barem nivou EEA (Evropski ekonomski prostor) iz razloga jer se svaki proizvod može koristiti globalno (uzimajući u obzir trajnost proizvoda za pakovanje, laku prenosivost i niske troškove transporta), no s obzirom na opseg Zakona o konkurenciji, kao relevantno geografsko tržište Konkurencijsko vijeće je odredilo tržište Bosne i Hercegovine.

U skladu sa navedenim, kao relevantno tržište predmetne transakcije se određuje tržište za proizvodnju i prodaju fleksibilne ambalaže u Bosni i Hercegovini.

3.1. Analiza relevantnog tržišta

Podaci koji se odnose na učesnike koncentracije na relevantnom tržištu proizvodnje i prodaje fleksibilne ambalaže u Bosni i Hercegovini, u 2020. godini, iskazani su u tabeli br. 1:

Tabela br.1

| R.b. | Privredni subjekt | Tržišno učešće u 2020. godini (%) |
|------|--|-----------------------------------|
| 1. | B&C KB Holding GmbH (Grupa podnosioca) | 0,0% |
| 2. | Atlas Flexibiles GmbH (Grupa Ciljnog društva) | 0,0% |

Izvor: Podaci iz Prijave

Na osnovu naprijed navedenog, utvrđuje se da učesnici koncentracije u 2020 godini, na relevantnom tržištu prodaje proizvodnje i prodaje fleksibilne ambalaže u Bosni i Hercegovini, nisu bili prisutni, te da tržišna učešća istih na relevantnom tržištu iznose 0,0%.

4. Ocjena Prijave koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom nivou iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta, učesnika koncentracije ostvaren prodajom roba i/ili usluga na tržištu Bosne i Hercegovine, iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%

Ukupni godišnji prihodi učesnika koncentracije, za 2020. godinu (izražen u konvertibilnim markama, koristeći srednji kurs Centralne banke Bosne i Hercegovine na dan 31.12.2020. godine), su sljedeći:

Tabela br. 2

| Grupa Podnosioca (B&C KB Holding GmbH) | Svjetski Prihod | Bosna i Hercegovina |
|---|-----------------|---------------------|
| | (..)* | (..)* |

| Grupa Ciljnog društva (Atlas Flexibiles GmbH) | Svjetski Prihod | Bosna i Hercegovina |
|--|-----------------|---------------------|
| | (..)* | (..)* |

Izvor: podaci iz Prijave

(..)*

Godišnji prihod učesnika koncentracije predstavlja ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine) u smislu člana 9. tačka h) Odluke o načinu podnošenja prijave i kriterijuma za ocjenu koncentracija privrednih subjekata.

Prema podacima iz Prijave učesnici koncentracije nisu ispunili uslov iz člana 14. stav (1) tačka a) Zakona.

Također, učesnici koncentracije nisu ispunili uslov iz člana 14. stav (1) tačka b) u pogledu tržišnih udjela, s obzirom da niti jedan od učesnika koncentracije u 2020. godini uopće nije bio učesnik na relevantnom tržištu, te na kojem tržišna učešća iznose 0,0%.

Na osnovu naprijed navedenog, utvrđeno je da Podnosilac prijave nije bio obavezan podnijeti prijavu koncentracije u smislu člana 14. Zakona, te je odlučeno kao u dispozitivu.

5. Administrativna taksa

Na ovaj Zaključak Podnosilac prijave, u skladu sa članom 2. tarifni broj 108. stav 1. pod c) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", br. 30/06, 18/11 i 75/18), je obavezan platiti administrativnu taksu u iznosu od 1.000,00 KM u korist Budžeta institucija Bosne i Hercegovine.

6. Pouka o pravnom lijeku

Protiv ovog Zaključka nije dopuštena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednik

Dr. sc. Amir Karalić

Dostaviti:

- Podnosilac Prijave
- U spis